



21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
44

古130  
85411  
20-32







金石萃編卷八十八

賜進士出身 誥授光祿大夫刑部右侍郎加七級王昶撰

唐 四十八

金剛經殘石幢

僅存兩段合之高三尺八寸五分上段止存三面下  
段八面每面廣八寸首尾兩面各九行餘皆十行字  
數無攷行書在西  
安府城南李家村

缺  
口 蔣圖撰

清河張黃書序

缺  
口 國化人代 天育物者必資於賢明矣其選才刈

口 越於吏部乎昔王戎標簡要 缺  
口 也中有吏曹庶



士皆考乃聲實器其藝能缺 鍵秉人物之樞要出納之

恠謂缺 □明山惠清河傳延□鑿農楊自然太原王漳

源領同寮數十□缺 □或以德進或以詞華居最或以

翰墨稱缺 □角詩書弱冠文史然而博綜多識靡所不

該研機深沉悟色空缺 達知窈冥而有精湛常樂真如

以求實缺 □寮庶品之□福也作是願已因不悛心則

有遠方名工不召缺 □無足而員來或剡或礪成之不

日載雕缺 □彪炳則有揮毫騁勢拂花雨而爭鮮垂露

矜能懸貝菜而增缺 真實視之者方開淨眼且宿植德

本曷求缺 □相麤誓願力永此證明然後乃知是非兩

忌得失雙□□□缺 學嘗試言之目論膚受乃為銘曰

缺 玉文炳煥妙理宣揚無幽不燭無滯不彰是非雙□

缺 堂堂

廣平程進刻序

金剛經

缺 書

經不錄

天寶七載歲次戊子三月廿八日建立□

鑿農楊子岳刻

缺 寶鑿元年移於當曹南院仙剎安置自後缺 至



開成二年五月一日故隴西李公友誠缺舊地至會

昌二年二月四日闕長李公重修

佛弟子太原王□□ 安定梁過庭

彭城劉承恩 安定胡山惠

清河傅延□ 甯農楊自然

太原王漳源 甯農楊文□

清河路希進 清河張賁

南陽樊元□ 渤海□履□

上谷侯江 瑯琊王皓

甯農楊景□ 清河張璟

南陽宗華 廣平焦士廉

清河張才遠 天水趙承先

彭城徐庭遜 鄒陽秦鳴鶴

南陽張晞之 太原郭齊斌

潁川陳懷進 樂安汪孝昇

清河張鴻洲 太原王志朝

太原王從諫 鉅鹿魏陶光

潁川陳小覺 平陽霍撫

清河張□疑 鉅鹿魏協

譙郡婁□□ 隴西李回



平昌孟玢

太原王晟

京兆杜奕

汝南荆庭口

扶風馬口

安定梁如口

清河張真

會稽嚴昇

東平萬希嶠

清河張

燉

缺

康公口

缺

宗權

缺

呂彝

缺

聞人逢

缺

張紳

缺

王從口

缺

北嶽恒山安天王銘

碑高七尺八寸廣四尺三寸二十三行行四十五字隸書額失搨在曲陽縣北嶽廟

大唐博陵郡北嶽恒山封安天王之銘 并序

左羽林軍兵曹參軍直翰林院學士供奉上柱國李

荃撰

吳郡戴千齡書并題篆

遁甲開山以方色受土水行作鎮廟枵司野截巨壑以

波委指平陸而海清墜旄頭柱 王國蔽虧日月棲泊

雷電可久可大取諸恒也恒之靈藏往知來威遠懼邇

陰陽不測之謂神神聰明正直害盈福謙禪我淳勗荒

札不勃拯膏雨佐秋成再蠶獻工六擾呈逸有孚盈缶



奚貴而無位哉古者天子望于山川徧于羣神未嘗王  
五嶽而公四瀆

大 唐 開 元 天 寶 聖 文 神 武 應 道 皇 帝 登 泰 山 躡 社 首 範 圍 天 地 幽 贊 於 神 明 柔 兆

載 上 元 庚 寅 詔 曰 五 方 定 位 嶽 鎮 摠 其 靈 萬 物

阜 成 雲 雨 施 其 潤 上 帝 攸 宅 寰 區 是 仰 其 岱 宗

西 嶽 先 已 封 崇 其 中 嶽 三 方 典 禮 猶 闕 降 神 布 澤 同 致

福 於 生 人 肆 類 尊 崇 未 齊 名 於 禮 秩 永 言 光 被 同 叶 靈

心 其 北 嶽 可 封 爲 安 天 王 所 司 擇 日 奏 聞 龍 集 丁 亥 律

中 姑 洗 壬 午 錫 以 金 檢 玉 冊 廢 縣 禮 也 夫 聖 人

以 天 地 爲 本 陰 陽 爲 端 五 行 爲 質 北 嶽 水 正 也

乙 酉 水 命 也 大 君 有 命 如 彼 北 嶽 鼎 然 不 渝 受

茲 介 福 益 無 方 也 驃 騎 大 將 軍 員 外 置 同 正 員 兼 范 陽

郡 長 史 柳 城 郡 太 守 平 盧 節 度 支 度 營 田 陸 運 兩 蕃 四

府 河 北 海 運 兼 范 陽 節 度 經 畧 支 度 營 田 副 大 使 採 訪

處 置 使 兼 御 史 大 夫 上 柱 國 柳 城 縣 開 國 伯 常 樂 安 公

曰 祿 山 國 之 英 也 八 柱 承 天 三 門 出 將 風 順 遼

海 霜 明 憲 秋 山 戎 朝 鮮 繫 頸 請 命 明 威 將 軍 守 右 威 衛

將 軍 使 持 節 博 陵 郡 諸 軍 事 兼 博 陵 郡 太 守 北 平 軍 使

上 柱 國 賜 紫 金 魚 袋 武 威 賈 公 曰 循 時 之 傑 也 康 侯 分

符 師 貞 受 律 英 畧 外 斷 沈 謀 內 融 清 潭 蕪 私 虛 谷 必 應



趙人化之如春陽也朝議郎攝別駕上柱國賞緋魚袋  
信都馮公承相中散大夫行長史上柱國賞紫金魚袋  
清河張公驪瓚人之望也利物足以和義貞固足以幹  
事威搖商秋德湛行露通直郎行錄事參軍滎陽鄭叟  
宣義郎行同功參軍汝南同瑋統奉義郎行恒陽縣令  
高平郗懷玉吏之雄也貂蟬稱家冰水作吏簡籥方勁  
球琳有聲僉曰 聖王先成其人而後致力於神國  
其社也皆省方展禮於虞帝敬鬼尚祀於殷人未有加  
望秩之榮錫封崇之號斯蓋 我皇之能事也燕  
山有石碩儒有文既述且刊超變陵谷銘曰

維恒兮作鎮壬癸善利萬物兮德配諸水雄峯屹立而  
朝山邈迤閃電雷愬神鬼其神靈兮福之所履福善禍  
淫而正直如夫 其一 君恩覃兮流湯湯汨神道

蕩鬼方四瀆爲公兮五嶽王山戎臣首而犬戎北亡勒  
貞石以一固浮大海之三桑 其二

天寶七載歲在戊子五月庚午朔廿五日甲子建

杜南金韓沐烈刻字

碑陰

碑陰分三列第一列刻記二十六行二列三列題名  
共三十人又劉處一行杜南金一行並隸書內丁子  
琦一行行書又馮澤題名及  
宋人題名三段並行書左行



安天王碑陰

康傑撰

戴千齡書

昔剖符媯川化洽殊俗授律遼海

皇明益暢由

是威名簡

帝建旗此藩爰白下車率先明祀牲

牢器幣网或不蠲若國有兵戎

賈君於是告虔而

羣凶失險歲或暘旱

賈君於是薦信則車迴甘澍

無享不答有開必先非惟岳降生則孰能獨契其道若

斯之妙故神以立政則不言而化神以施惠則日用不

勤神以肅物則不怒而威神以察微則無幽不燭故

我王是崇也而 乾坤式宴庶績咸熙

我賈父則

之也比年用登物不疵癘故人非化不感感非神不深

神明之道與

賈父之政通矣謹按王者往也既有

歸往之德宜其有安天下之名故

吾君崇其秩禮

以答嘉休

賈公載刊

睿冊式旌不朽列別駕

馮公承相樂氣潛融清輝外朗探

道得 靈元

之旨屬詞盡詩人之興雖勢居熏灼不以材地驕人位

高出刺能以謙卑自牧揚惠風以拯弊激清流以盪邪

廣太丘之道則無所不容受鴻鐘之虛則有來皆應不

空之頌斯焉取斯

長史張公靈瓚允迪厥猷匪懈



於位佐上以直率下以寬不爲利回不爲義疚赫赫千  
里繫公是毗錄事參軍判司參軍等並材望孤標聲實  
兼茂官殊而各競於理事異而同歸於公百城作率亦  
庶僚之勸也安喜縣令等並砥節首公飭躬從政一德  
均化故四人本擾一心共理故千里謐清豈伊異口衆  
宰君之助也戊子歲夏五月邦人勒美於碑之陰雖遷  
改不時而瞻誦有所懿彼來者勿替引之

朝議郎行司倉參軍馬克廣

通直郎行司戶參軍元忻

承議郎行司法參軍史宣猷

朝散郎行司士參軍薛楚金

文林郎守參軍劉令錫

宣義郎行參軍陳倂

錄事張元濟

朝議郎行安喜縣令崔遂

朝議郎行北平縣令李映

朝議郎行望都縣令李攸

朝議郎行無極縣令盧成麟

承奉郎行涇邑縣令郭同琳

承奉郎行恒陽縣丞李茂芝



文林郎守尉夏侯庭璣

儒林郎前主簿桑奉日 以上第二列

朝散郎行司戶參軍裴子產

皇族從叔朝請郎行司兵參軍欽回

徵事郎行司法參軍郭說

徵事郎行參軍張鉉

朝散郎行參軍陳寧

文林郎守博士李重光

朝散大夫行義豐縣令吳介

承議郎行鼓城縣令楊欣

宣義郎行唐縣令崔若鏡

承議郎行深澤縣令張鑄

宣義郎守新樂縣令鄭卓

文林郎守主簿騎都尉張惠敏

宣義郎前丞崔簪

登仕郎守岳令郭延英

登仕郎守岳令丁子琦 其載七月一日止  
以上第三列

前供奉合鍊百花漿北岳真君廟三洞道士劉處一

此行在二三  
兩列之後

杜南金韓休烈鑄



監廟馬若水縣尉馮澤癸巳九月二十三日謹記  
權縣尉馮澤嘗拜祠下癸巳九月念三日

東京員察右直副指揮使□□□靈道場七晝夜  
記大宋咸平五年二月二十七隨從

康傑文內有皇族從叔朝請郎行司兵參軍欽回不  
書姓而冠以皇族夫國君之尊族人不得以屬通而

况天子乎

金石文  
字記

唐天寶七載封北岳神為安天王是時祿山近在肘  
腋安天王之名得毋為之兆乎碑辭李荃撰其陰則  
康傑文書以八分者戴于齡也筆法淳古遠在韓擇

木蔡有隣梁昇卿張庭珪史惟則諸家之上乃盛熙

明攷書法獨遺之何與

曝書  
亭集

右碑後列范陽節度安祿山博陵太守賈循及從吏

馮承相張元贇鄭收郝懷玉等職銜皆有頌揚之語

而于安賈則云常樂安公曰祿山國之英也八柱承

天三門出將武威賈公曰循時之傑也夫以國英時

傑出于自稱李荃阿諛必小人之尤况傳稱祿山陽

為愚不敏其姦工于媚上以天寶七載正月群臣上

尊號而祿山即樹碑恒岳借封爵為辭而致其上號

之意且夸揚已烈有風順遼海霜明憲秋等語不臣



之漸於此可見後附杜南金韓休烈刻字與碑陰同  
按天寶五載正月封北岳安天王寶應二年五月改

封寧天王金石錄補

右北岳恒山封安天王銘文載天寶三載上元庚寅  
加封中嶽三方詔書舊唐書本紀載此事在是年正  
月正合獨以庚寅為乙亥則誤也明皇以垂拱元年  
八月生歲在乙酉納音屬水故碑云北嶽水正也乙  
酉水命也大君有命如彼北嶽鼎然不渝也碑稱安  
祿山銜曰驃騎大將軍員外置同正員兼范陽郡長  
史柳城郡太守平盧節度支度營田陸運兩蕃四府

河北海運兼范陽節度經畧支度營田副大使採訪  
處置使兼御史大夫上柱國柳城縣開國伯常樂安  
公攷唐六典武階二十有九驃騎大將軍從一品蓋  
武臣之最貴者文武散官不聞有定員此云員外置

同正員者未正授之詞耳潛研堂金石文跋尾

按碑題博陵郡北嶽恒山封安天王之銘唐書地  
理志定州博陵郡屬河北道本高陽郡天寶元年  
更名則立碑之歲距更名僅七年也其屬縣有恒

陽元和十五年更名曲陽縣有恒嶽天寶五載詔封安天王

此碑撰文者李荃書碑者戴千齡兩唐書俱無傳



新書藝文志有李筌注孫子二卷又太白陰經十卷青囊括一卷或卽其人但筌筌不同耳

舊書經籍志無

金石錄但載大歷十一年張同敬一碑為戴干齡書而於安天王則但載碑陰云分書無姓名則不  
但未見碑陽卽碑陰亦未見其全也盛時泰元續  
記則載此碑稱戴干齡書方勁有力不類唐人而  
不載碑陰可知得全碑之難如此碑云水行作鎮  
元枵司野周禮地官保章氏以星土辨九州之地  
鄭注云元枵齊州分野今定州屬河北非齊地而  
云元枵司野者左傳襄二十八年歲在星紀而淫

于元枵杜注云元枵卽虛也爾雅虛星于位之次  
枵虛耗之名也則元枵為北方分野矣碑又載開  
元天寶聖文神武應道皇帝之號此尊號以天寶  
七載五月壬午上是月庚午朔上尊號在十三日  
而碑以二十五日建是上尊號後十二日也碑云  
柔兆載上元庚寅詔曰云云封安天王之詔在天  
寶五載正月新唐書本紀不書其事舊紀則書其  
事而不書下詔之日惟冊府元龜載正月乙亥下  
詔與碑不同天寶五載為丙戌歲故曰柔兆載是  
歲正月癸丑朔乙亥在二十三日而月中無庚寅



疑碑所謂上元庚寅者指月建也碑載詔詞以冊  
府元龜校之有不同者上帝攸宅冊府作攸敘其  
岱宗西嶽冊府作且岱宗西華其中嶽三方冊府  
作其中嶽等三方典禮猶闕以下至未齊名于禮  
秩凡二十四字冊府則省爲典禮所尊未齊名秩  
八字同叶靈心冊府作用叶似冊府元龜有訛缺  
也碑云所司擇日奏聞而不言擇日爲何事冊府  
則云應須告祭仍令所司擇日聞奏較碑爲詳晰  
矣碑云龍集丁亥律中姑洗壬午錫以金檢玉冊  
丁亥爲天寶六載三月丙子朔則壬午在七月也

碑陰專紀太守賈循以下之德政而此文則安祿  
山與賈循等並稱之先時循副祿山爲平盧節度  
不能不並列也碑稱祿山之貫曰常樂安公常樂  
未詳河北冀州魏齊周皆置長樂郡別無所謂常  
樂者兩唐書祿山傳稱其爲營州柳城人則距冀  
州甚遠非以長樂爲常樂明矣碑載祿山歷官皆  
與兩史合惟史但有柳城郡公而無開國伯史文  
非畧則誤也史稱賈循京兆華原人張守珪北伐  
灤河凍泮欲濟無梁循爲橋以濟以功擢榆林守  
捉使范陽節度使李適之薦爲安東副大都護安



祿山兼平盧節度表爲副遷博陵太守此卽立碑之時也其後祿山反使循守幽州顏杲卿招之以傾賊巢穴循許可謀發賊縊之史故列入忠義傳餘馮丞相以下史皆無傳碑陰首紀賈循事云昔剖符媯州化洽殊俗地理志媯州媯川郡屬河北道循似先官於媯州而傳無之又云國有兵戎賈君於是告虔而羣凶失險歲或暘旱賈君於是薦信則車迴甘澍蓋言兵荒之事賈君皆禱于北嶽也傳稱循爲榆關守捉使地南負海北屬長城林垠岑翳寇所蔽伏循調士斬木開道賊遁去碑所謂羣凶失險者卽此事也碑云王者往也既有歸往之德宜其有安天下之名此曲解安天王之義語本毛詩昊天曰明及爾出王傳云王往也天下歸往謂之王然當時封五嶽皆用天字如東嶽天齊西嶽金天南嶽司天中嶽中天又何說乎碑云賈公載刊睿冊以旌不朽則似封安天王冊賈公嘗刻石于廟今未見也文後題各皆博陵郡屬官岳令只一人而碑有二人者蓋碑始建于五月二十五日刻竣于七月一日中間更替一令也道士劉處一云前供奉合鍊百花漿以方士合鍊之術



靈惑人主恬不爲怪刻石以爲榮元宗被方術之惑于此見矣馮澤以癸巳九月二十三日拜廟癸巳蓋建碑後五載也然同一日事而兩記之何耶

潘智昭墓誌銘

石方廣一尺九寸五分共二十一行行二十一字行書蓋題大唐故潘府君墓誌銘九字篆書在西安府

唐故吏部常選廣宗郡潘府君墓誌銘并序

遠國流芳楚大夫汪之緒也洎乎晉業黃門侍郎岳之

靈矣幸

唐運龍驤姬紫耀武曾祖仙壽識叶

天謀輔翼左右拯濟塗炭永寧邦社拜銀青光祿大夫

儀同三司九原郡守祖觀太中大夫行司津監父元簡

積學成業溫恭允克仁惠鄉閭博通今古弱冠明經擢

第吏部選君名智昭字洛京地華原人也幼年聰敏識

用多竒日誦萬言尤功書算甄別寶玉性閑技巧好歌

詠事王侯此乃君之行也君之明也養親純孝甘脆無

虧交遊克誠信道日益友于兄弟共被均衣見善必悛

歸心三寶君之孝也君之仁也曉陰陽義通挈壺術事

罷臺監侍一行師皆稱聰了委以腹心君之德也君之

能也掌廟講生事習業日久勤事酬功授文林郎轉吏部

選時載五十有六運薄陵遲降年不永嬰疾累月藥餌

無徵病甚日篤終于其家嗚呼生分有涯逝川長沒備



凶儀習吉地以戊子歲實沉月五日癸酉殯于長安龍首鄉禮也有子五人順也運也訓也慎也俊也昊天罔極泣血如流恐代久陵夷高崖為谷孝心遠紀式刊銘誌

長原孤墳松檟蕭森刊石遐紀流芳德音泰山其頽梁木其摧五子荼毒追慕增哀

天寶七載七月五日景時

潘府君名智昭字洛京華原人誌歷敘其上世云楚大夫汪之緒也左氏傳楚有潘庭賈氏注楚大夫師叔字今誌作汪與傳文不合又智昭祖觀太中大夫

行司津監唐書百官志龍翔二年改都水監曰司津監使者曰監以是推之觀行司津監即其為使者在龍翔以後也誌內戊字缺畫又書景時景時者丙時也時皆用支此獨用干他文亦不見惟北齊書南陽王綽傳有景時授堂金石跋

按碑題唐故吏部常選廣宗郡潘府君墓誌銘諸墓誌從未有以郡望冠其姓而題于前者此為異

例潘氏之先廣韻云周文王畢公之子季孫食采于潘因氏焉出廣宗河南三望此碑題廣宗則不與河南同系而文又云黃門侍郎喬之允岳為榮



陽人是河南望矣通志氏族畧云潘氏芊姓楚之  
公族以字爲氏潘崇之先未詳其始或言畢公高  
之子季孫食采于潘謬矣廣韻通志二說未知孰  
是碑載曾祖仙壽祖觀父元簡史俱無傳仙卽佛  
字梁天監時京口甘露寺鐵鑊文佛殿作仙殿碑  
述君事蹟無他長止于功書算別寶玉通挈壺術  
以掌歷生事授文林郎轉吏部選唐六典太史局  
有令其屬有司歷靈臺郎挈壺正有保章正掌教  
歷生三十六人同流外八考入流碑稱君掌歷生  
事習業日久勤事酬功則是以挈壺術充歷生八  
考入流而授文林郎也碑又云事瞿曇監侍一行  
師舊唐書方技傳一行精歷象陰陽五行之學開  
元五年強起至京置之光太殿則賈君之侍一行  
在開元五年後矣碑云以戊子歲實沈月五日癸  
酉殯後題云天寶七載七月五日景時天寶七載  
爲戊子歲禮記孟夏之月日在畢注云孟夏之月  
日月會于實沈是實沈爲四月然通鑑目錄天寶  
七載四月庚子朔五日甲辰非癸酉七月己巳  
朔五日正是癸酉則碑云實沈月者所未詳也葬  
日書時而用干僅見此碑癸酉日丙時乃丙辰也



章仇元素碑

碑裂為三段其有字者一段僅高二尺八寸廣三尺五寸六分十四行行十四字皆磨泐不可辨隸書額題大唐贈東平郡太守□□府君神道之碑十六字篆書在濟寧州耿務村

大唐故東□□太守

君關字關大將軍關人也大王父關之關合關行關

士人所關一關山關一關天子關

附錄碑文并跋二則從山在金石志錄

大唐贈東平郡太守章仇府君神道之碑

□□院學士知史官事韋之撰

翰林院學士內供奉左衛率府□□□東蔡有隣書

嘗聞祀盛德者必及百世承大勲□□□□□□□□

□□□□□□錫麤繁茂在商則為申為呂在周則

為齊為許枝分派別更盛迭貴則太守章仇府君是

其後也君諱麤素字麤素□□□□□□□□□□

于紀裂縑去國筮仕于周世守保章因官為姓秦項

之際有雍王章邯為漢□□併于□□□□位降處仇山

取因生之舊名增卜居之新號草□□□□焉自是

流離荒服六百餘載魏氏徙跡平城建都河洛君之

六代祖馥□參□督始歸中原仕至寧南大將軍徐

亮青齊相五州刺史馥□□州任城郡守挹鄒魯之



舊風慕洙泗之餘俗遺命留葬因而家焉復因武陽  
 遠於口部代為魯郡口口任城人也大王父魏郡太  
 守諱夔大父萊州口口政烈考博陵郡錄事參軍  
 諱孝方皆以友悌博雅德良清白增修其勛克開厥  
 後君即博陵府口之第三子也稟粹含和中温外朗  
 行必誠信口口口之經學無浮華莫匪詩書之奧  
 弱冠以孝廉登科授將仕郎無幾將有捧檄之口口  
 口艱不赴口口免喪迺喟然而嘆曰士之所以降志  
 辱身者口口口然則隱居行義不忠無位蓋所貴  
 在乎全其道也故富貴非道則不取貧賤非道亦不

去齊景干駟不如縫紉之一賢王氏五侯孰與單口

口口口關却掃拒絕辟命澹然歸真以壽而歿君

子以為鴻飛寥廓罕能測其所至哉夫人渤海吳氏

合宮丞少明之妹也嬌風婦則儀口口口口口口

口家終率禮而偕老嗣子銀青光祿大夫戶部尚書

兼殿中監內外閑廐等使兼瓊積社所種濟美必復

匪躬是徇為國蓋臣拔自郎口口口口口口口口

董戎驅輜軒而按俗自褻斜之外邛笮之內萬里澄

清人安訟息間者口戎負德蟻聚口山職貢不供兵

車屢駕稟口聖皇之英算震大國之威靈一舉而口



金石錄卷之八  
子議以殊賞酬其懋勳迺推錫類□□□追遠□寵  
開元廿九載秋七月詔曰孟州大都督府長史兼  
御史中丞持節劍南節度□使營田副大使本道兼  
山南西道採訪處置使□□□瓊父故將仕郎龔素  
氣合純粹才擅奇特資禮樂而秉藝負文詞而擢秀  
議能多通稟命不融德建昭代久淪幽壤雖馳暄易  
遠松檟成行而餘□□鍾芝蘭克茂瞻言龔子每効  
忠公摠節制之師致疆場之捷行賞爲重爰贈尔先  
俾自葉而流根庶慰存而榮歿可贈宋州司馬天寶

三載秋九月詔曰蜀郡大都督府長史兼御史大  
夫章仇兼瓊祖故博陵郡錄事參軍孝方父贈睢陽  
郡司馬龔素等□才繼跡雅操龔風累德成名克家  
存□□生令龔幹用於時摠戎懋其勲績秉憲肅其  
綱紀榮親廣行旣資孝以爲忠自葉流根載敷澤而  
彰善宜加禮贈俾昭餘烈孝方可贈汲郡司馬□□  
可贈使持節東平郡諸軍事東平郡太守又詔曰  
兼瓊□祖母王氏故母吳氏女則懿範母儀盛德何  
□嘉慶傳嗣徽音誕此良才克昭遺訓□□褒賢之  
贈錫其有禮之封王氏可贈太原縣君吳氏可贈勃



海郡夫人初尚書既孤伯父麻城令崇節及麻城之  
夫人馬氏親加訓育恩逾所生洎獻凱策勳泣奏  
其事 上爲之撫然特 詔追贈麻城府君爲楚州  
刺史馬夫人爲扶風縣君嗚呼厚於仁者口其口愛  
其親者及其類所謂孝口口也故得 明主感歎  
嘉迺誠心贈策口口哀榮荐至非夫慈惠恭儉福履  
所積盼嚮感通明神所勞則孰能臻於此哉於是載  
美簡策流芳琬璧永口口裔豈惟太原有道無媿口  
口之詞南陽文學空傳子工之頌其詞曰  
系自炎皇惟裔之口口口口去紀爲章拒漢協楚

失其封疆言避華夏口口要荒魏氏徂南卜遷嵩邨  
我宗復昭列于周行纂口軒裳口口口口東平  
皎如琳琅口口口口五常辟祿顧道戢耀含芳  
積善口裕克生才良準繩憲府恢復戎場勲績所酬  
寵贈惟光迺立廟祧以榮邦鄉口口口口口口  
俾口休烈如川之長臣烈不揚臣忠不彰子孫是詹  
永思勿忘

天寶七載歲在戊子十月戊戌朔二十

下闕

甲申夏四月三十日晦羽遐持此碑互相校錄譯出  
若干字原闕若干字舊碑爲交氏故物中間倒置三



行爲之譯正文字書八分有額

己丑五月七日重值購此再正數字林宗志

右碑在濟寧城北三十里耿務村南官道旁甚高厚

斷爲三段篆額十六字字徑三寸許碑文八分書字

徑寸許磨滅不可識僅隱隱見數人字而已

濟寧州志

右碑題云大唐贈東平郡太守章仇府君

闕

學士知

史官事韋曰撰翰林院學士內供奉左衛率

闕

蔡有

鄰書天寶七載十月二十日立府君諱元素字立素

兼瓊之父也兼瓊著績西蜀兩書無傳其祖父名字

非此碑幾不聞于後蔡八分書在韓擇木張庭珪之

上而此碑巋然標樹于大道之旁西去濟寧州二十

里車塵馬矢堆積其下更無有拂拭之者予命工人

搨之

金石錄補

右碑磨滅幾盡又裂爲三無可辨識惟碑額四行尙

完好偶檢

國初葉林宗

萬

金石文隨錄載此碑全

文亟爲補錄案李白荅杜秀才詩云聞君往年遊錦

城章仇尙書倒屣迎注謂章仇兼瓊也今据此碑兼

瓊卽元素子官益州大都督府長史持節劍南節度

使

山左金石志

按此碑全文一千四百餘字存者僅二十七賴葉



石君金石文隨錄載此文山左金石志刻其全文頗可資考證因亦附錄于前葉石君名萬林宗其字也吳人跋稱甲申爲崇禎十六年己丑則本朝順治五年也此文石君從文氏所藏搨本錄出繼又以重值購得一本然則此碑在二百年前尙有搨本流傳矣碑文撰者韋之泐其名尙存之据唐書韋述傳開元二十七年轉國子司業兼知史官事充集賢學士至天寶九載始遷尙書工部侍郎碑歷官與傳合當是韋述也書者蔡有隣史無傳廣川書跋但載尉遲迴廟頌盧舍那佛像記而不及此碑則此碑不傳于世久矣文云在商則爲申爲呂在周則爲齊爲許章仇是其後也裂繻去國筮仕于周世守保章因官爲姓秦項之際有雍王章邯爲漢口降處仇山取因生之舊名增卜居之新號申呂齊許皆姜姓通志氏族畧章仇氏以事爲氏姜姓本章氏齊公族漢有章弇因避仇遂加仇字唐長安元年石史知貢舉張說下進士章仇嘉勉是避仇之說與碑載降處仇山不同也以事爲氏卽保章之義章弇疑卽章邯音近而異史記秦始皇紀二世皇帝二年冬陳涉所遣周章等



將西至戲二世使章邯將擊被周章軍三年章邯  
等圍鉅鹿項羽往救章邯等戰數却二世讓邯邯  
以兵降諸侯又項羽紀項王乃立章邯爲雍王此  
卽碑所稱雍王章邯也章仇兼瓊位顯而名著四  
川通志稱其官劍南節度時興大南市創新津通  
濟堰漑眉蜀二郡田大懷其惠立廟于堰南號寅  
德公祠復引萬年池水以溉成都民田在蜀八年  
澤流萬世而兩唐書不爲立傳碑所稱六代祖馥  
大玉父夔大父政烈考孝方及元素亦皆無考然  
章仇氏之見於載籍者氏族畧章仇嘉勉之外萬

姓統譜又有章仇大翼唐人無事蹟  
字典作隋人見於金石者

此碑之外則汶上縣辛家海三官廟佛在金棺上  
囑累經石刻題名有大象主章仇禹生須菩提主  
章仇惠阿難主章仇仲禮象主章仇法諫章仇惠  
定章仇昨娘十願菩薩主章仇孝義碑陰有開皇  
九年字並見山左金石志則章仇族屬之在任城  
者自隋已繁矣史無兼瓊傳然元宗紀書開元二  
十八年三月壬子益州司馬章仇兼瓊敗吐蕃克  
安戎城五月癸卯吐蕃寇安戎城兼瓊又敗之卽  
碑載口戎負德蟻聚口山兵車屢駕一舉再舉云



云之事也碑載詔書既贈其父又贈其祖又贈其  
祖母及母最後又贈其伯父崇節伯母馬氏皆以  
兼瓊推恩此即地封之典所緣起前此未見也

靈運禪師塔銘

碑連額高四尺八寸五分廣二尺二寸二十行行三  
十六字額題唐少林寺靈運禪師功德塔碑銘十三  
字並行書在登封縣少林寺

唐少林寺靈運禪師功德塔碑銘

并序

宣德郎試大理評事崔琪撰

聖善寺沙門勤口口

虛空廣大乎其體智慧圓融乎其用凝而不生甚尔常  
寂離修離證非色非心歷微塵劫遍口沙界無量國土  
皆清淨無量昏暗皆光明誰其得之吾聞諸上人矣上  
人諱靈運蕭姓蘭陵人梁武帝後皇考翫彌州恒農縣  
尉初上人之生也戒珠孕於母胎定水激於孩性內典  
宿植外學生知白雲凝其高志明冰峻其苦節泛如也  
時不能知常以爲幻境非實沕身是矣五色令人昏五  
音令人聾五味令人爽噫輪彼生滅無時息焉吾將歸  
根以復于正因遊嵩山至少林寺有始終之意焉會舅  
氏掾于高口而上人遂緇於此郡玉立凡石不可喻其  
爛然日映眾星無以方其明者竟移隸茲寺口副乎夙



心無何習禪決於龐鳩珪大師潛契密得以真貫理照  
十方於自空脫三界於彼著慧眼既淨色身亦如始知  
夫心外無法所得者皆夢幻耳然後觀大地土木無非  
佛刹焉空山蒼然窮歲默坐猿對茶椀鳥棲禪庵彼嶺  
雲無心卽我心矣彼澗水無性卽我性矣夫如是孰能  
以凡聖量之乎故吾在造化中如夢中也粵開元十有  
七祀夏五月廿二日不示以疾泊然而終苦霧晦黃於  
天地悲風哀咽於草木吁崩吾禪山澗吾法海空吾  
世界使凡百含識大千有情荼於是火於是可勝言哉  
故門人堅願獨建靈塔於茲山奉遺教也夫碩德丕發  
不有超世先覺而出夫等夷者則曷能傳我法印以一  
燈然千万燈乎彼上人者巖然倬立以定慧爲藏以涅  
槃爲山圓通於不口之境出沒於無涯之域適來時也  
適去順也今則絕矣瞻仰如之何夫事往則迹移歲遷  
則物換况法與化永念從心積豈可使上人之高歿而  
不紀是斲于石以旌斯文銘曰

上人伊何傳我法印其體也寂其行也順紛彼識浪洎  
夫夢情非照不曙非澄不清作大鑿王爲大禪伯岳立  
松古蓮青月白一朝化滅六合悽愴世界颯空雲山忽  
曠色身口兮法體存金界慘兮鐵圍昏噫我所留者唯



心源

天寶九載四月十五日門人堅順建

靈運碑者唐崔琪纂末云聖善寺沙門勤下殘缺二

字當時僧書耳文淺陋不足道書法絕類聖教序無

一筆不似兗州山人稿

此碑天寶九載立世言開元天寶之際文人嚙地皆

成珠玉今以此碑觀之如云窮歲默坐猿對茶椀鳥

棲禪菴彼嶺雲無心卽我心矣彼澗水無性卽我性

矣此數語雖今之善知識不能拈出况經生哉蒼潤軒帖

跋

碑頂有字云寺西石塔靈運師墳卽梁帝皇嗣者也

以其爲梁武帝之裔而稱皇嗣亦爲不順其陰刻陀

羅尼經咒金石文

文云上人諱靈運蕭姓蘭陵人按蘭陵東海縣此當

稱南蘭陵則省文古人有之黃叔瓚中州金石考云

陰陀羅尼經呪高峯書按峯唐嵩山隱士中州金石記

碑稱上人諱靈運蕭姓蘭陵人梁武帝後皇考翁號

州恒農縣尉其敘靈運世系如此今額題行書與碑

旣非一手而又誤指靈運卽梁帝皇嗣臨文失檢殆

非實也碑側下有辛秘題名其文云元和十二年閏



五月廿九日河南尹辛秘奉勅祭中嶽散齋于此寺  
正書凡五行俱完好竊怪葉封嵩陽石刻記可謂博  
采矣然亦遺而不收獨予乃始得之故益自矜惜爲  
可寶也辛秘見新唐書本傳累遷汝州常州刺史河  
南尹與題名合

授堂金石跋

拜比干廟文

碑高五尺廣二尺七寸二十二行  
行四十字正書在汲縣比干廟

太宗文皇帝旣一海內明君臣之義貞觀十九年東征  
島夷師次商墟乃下詔追贈商少師比干爲太師諡曰  
忠烈公遣大臣持節弔贈申命郡縣封墓葺祠置守冢

五家以少牢時享著于甲令刻于金石故比干之忠益  
彰臣子得以述其志也昔商王受毒痛于四海德悖于  
三正肆厥淫虐下罔敢諫於是微子去之箕子囚之而  
公獨死之非捐生之難處死之難非處死之難得死之  
難故不可死而死之是輕其生非孝也得其死而不死  
是重其死非忠也王之叔父親莫至焉國之元臣位莫  
崇焉崇高不可以觀其危親暱不可以忘其祖則我成  
湯之業將墜于泉商王之命將絕于天口口其口遂諫  
而死剖心非痛商王是痛公之忠烈也其若是乎故能  
獨立危邦橫抗輿運周家以三分之業有諸侯之歸口



口口之口一心之衆當公之存也則戢彼西土及公之喪也乃口于孟津公存而商存公喪而商喪興亡所繫豈不重與且聖人立教懲惡勸善而已矣人倫大統父子君臣而已矣太師存則正其統歿則垂其教奮于千古之上行乎百王之末俾夫淫者懼佞者慚睿者思忠者勸其爲式也不亦大哉而夫子稱商有三仁豈無微旨嘗敢蹟之曰存其身存其祀亦仁也亡其身存其國亦仁也若進死者退生者狂狷之士將奔走焉喪生者貶死者宴安之人將寘力焉故同歸諸仁各順其志殊塗而一揆異行而齊致俾後之人優柔而自得焉蓋春秋微婉之義也必將建皇極敘彝倫擴在三之規垂不二之訓以昭於世則夫人臣口口移孝于親而致之於君焉有聞親失而不爭睹親危而不救從容安地而稱得禮甚不然矣夫孝於其親者人之親皆願其爲子忠于其君者人之君皆欲其爲臣故歷代帝王莫不旌顯周武下車而封其墓魏氏南遷而創其祠我太宗有天下禮百神而盛其禮追贈太師諡曰忠烈申命郡縣封墓葺祠置守冢五家以少牢時享著于甲令刻于金石於戲哀傷列辟主食舊封德爲神明秩視羣望身滅而名益大世絕而祀愈長然後知忠烈之道其感激天人



深矣天寶十祀余尉于衛拜于祠堂魄感精動而廟在  
隣邑官非拭閤刊石銘表以志丕烈詞曰

靡軀非仁蹈難非智死于其死然後爲義忠無二體烈  
有餘氣正直聰明至今猶視口爾來口爲臣不易

右唐李翰文

宋建中靖國元年春正月汲令聊城朱子才立石

主簿東里張琪書丹

監衛州酒稅苑丘孫絢題額

刊者柳士衍

唐太宗追贈比干爲太師貞觀中旣立碑刻詔及祭

文天寶中李翰官於衛作此碑述封表之指其文雅

正選入唐文粹中今碑乃宋建中靖國元年汲令朱

子才重立

金石文  
字記

建中靖國元年正月立張琪正書口口題額在汲縣

琪時爲汲縣簿所書李翰文字體秀整在唐人中亦

爲絕手而無書名者豈以位卑邪

中州金  
台記

碑重立字畫過纖已漸損蝕不大顯鑿文爲李翰撰

翰見新唐書文藝傳云翰擢進士第調衛尉今碑自

序天寶十祀余尉于衛者是也翰旣上張巡功狀表

諸史官而于太師忠烈之蹟猶三復言之非如世所



號爲文士也 授堂金石跋

金石萃編卷八十八終

金石萃編卷八十九

賜進士出身 誥授光祿大夫刑部右侍郎加七級王昶撰

唐 四十九

中岳永泰寺碑

碑高七尺六分廣三尺四寸五分二分五厘

大唐中岳永泰寺碑頌 并序

靈昌郡龍興寺沙門靖彰撰

潁川處士荀望書

觀夫聖應無方等曜靈之流萬象覺海元曠若溟渤之  
含百川疑然居衆妙之先煥矣處有空之際於是慈光



西燭慧液東飛廣開權實之門爰啟布金之義粵茲寶  
界創自後魏正光二載卽前 孝明帝之賢妹也乃居  
寵若驚克修雅志確乎出俗入道爲尼以誠信有徵

勅爲置明練之寺兼度士庶女等百有人矣頃遇周武  
不敏正教陵夷至隨氏開皇重加修復又度尼廿一人  
以崇景福暨 有唐貞觀三載議將尼寺居山慮

恐非人侵擾

勅令移額於偃師縣下置此因廢

焉至神龍二載七月廿五日有嵩岳寺都維那僧道瑩  
奏聞此故寺依山帶水形勝幽棲不假多工便堪居住  
伏惟 故永泰公主器韞冲和承規 帝闕

庶增瓊萼冀保瑤枝何圖猷代辭榮遷神遂遠

二聖痛金娥之殞乖人興玉碎之悲凡厥有情孰不傷  
悼至論潛祐必賴薰修伏望 天恩爲永泰公主

於前件故伽藍置寺一所請以求泰爲名特望度僧二  
七人庶使福資冥路竊惟聖不孤運會緣必興建寺立  
僧寔由於此自茲已降暨乎至今亦有別 勅配

居或牒兩京名德翼翼清衆五十餘人咸以軌範端融  
心澄海月鵝珠育物禮誦無虧常懷報 國之恩

庶願福增

皇祚千佛二古塔者昔明練之所起

亭亭四照嶷嶷搖空龕室聆矚重光迴暎其間大宰堵



波者隨仁壽二載之所置文帝應命感異稀奇忽得舍利一瓶雪毫燦爛火焚益固擊之逾明乃詔天下梵場令起塔供養爲蒼生之祈福也口制妙絕神工未方求鎮檀林以昭盛烈東有兩支提者昔寺主道瑩上座崇敬遺教門人之所造也二長老僧慧國寶振古超今息化歸真法俗追悼故起斯塔前門樓浴室食堂經藏者卽大德曇陟律之所構也律師宿智圓明知微察物少編僧錄風骨天然精持大乘元通數部不住無相兼崇有爲沙門思晤者心燈獨知跡無住處諸佛遺旨必能竭其筋力諸魔動念必不愛其死生乃跋涉江山櫟斲杷梓食堂之力頗有助云九級浮圖者比丘真一敬爲故兄寺主真藏之所建也禪師積德累仁果曾慈惠玉昆金友俱離塵籠弟子沙門志堅乃陳畱郡封禪寺都維那僧希晏等敬爲种上樹茲景業藏寺主絢彩凝華心鏡虛朗再成寶殿重立尊儀口有闕遺盡加營葺并鑄大銅鐘一口重四千斤函廿石裝飾嚴麗備物惟新金容將滿月齊暉玉相與日輪爭曜簷宇四繞迴廊復周蹬道凌虛懸階數市風鈴夜警聲聲流解脫之音曉梵朝吟一一讚苦空之偈嘉木繁植祥花接異菓恒春膏柳垂幡高松結蓋而雲際前寺主道演前上座智光



前都維那元順皆體道歸一異本同源逍遙林泉灑履  
雲壑復有沙門法意敬一等至樂大乘沉心不二一日  
必膏當賈勇而行諸太時精勤縱力極而不廢其寺也  
嵩巖右脅龍律左傍前眺紫崗萬公居後地形澄空幽  
磎對靈鎮之臺山勢巍峨峯頂與曾巒俱峻昔跋陁三  
藏懸記此方人安衆和福利弥廣時上座明信寺主道  
俊都維那敬一並操履霜縈動成紀綱德義相資同知  
寺任但恐三輪一轉海際塵驚若不刊勒貞璆何以表  
之靈跡靖彰內慙深定外謝多聞敢違宿心味揚休烈  
其詞曰

佛性微 遍含識 隱顯自在兮 無量力 開秘藏

耀無疆 寶剎嚴疑兮 仙路長 韻慈鐘 震懸

極 警衆沉昏兮 清闍域 光勝宅 啟津梁 淨

彼地獄兮 與天堂 昔明練 今求泰 跃陁遠記

兮 斯爲大 刻琤石 炳微言 曠代昭宣兮 萬

祀傳

天寶十一載歲次壬辰閏三月五日建

朱長文墨池編有此碑碑略云寺創自後魏正光二  
載孝文帝之妹入道爲尼及神龍二載僧道瑩奏爲  
永泰公主於前件故伽藍置寺一所請以永泰爲名



觀荀望書結體茂密不減蘇靈芝而無書名何也中

金石記

碑建于天寶十一載稱年為載是也今文云貞觀二載神龍二載當時元宗自欲變年為例未嘗易及祖制又文稱隨仁壽二載并前代亦追改之緇流不學輒遷就至此多寶佛塔碑亦云天寶元載岑勛之失與此并同隋字仍作隨當日金石之文二字通用投堂金石跋

按碑云寺創自後魏正光二載即孝明帝之賢妹也賢妹之稱始見于此明帝之妹是世宗宣武皇帝之女魏書不立公主傳故無可攷据河南通志

載永泰寺在登封縣城西太室之右云是後魏孝

文帝公主焚修地則誤矣魏書明帝紀明帝以延

昌四年正月即位二月庚辰尊皇后高氏為皇太

后己亥尊胡充華為皇太妃三月甲辰朔皇太后

出俗為尼徙御金墉此公主不知是太后所生否

耶八月丙子尊皇太妃為皇太后臨朝稱制至正

光元年七月侍中元義劉騰矯皇太后詔以帝年

已長敬遜別宮乃幽皇太后於別宮至二年末泰

公主入道為尼史雖無可攷然觀當時朝政若此

則高太后之出俗與公主之為尼或皆有不安于



其俗之故也

多寶塔碑

碑高七尺九寸廣四尺二寸三十四行  
行六十六字正書額失搨在西安府學

大唐西京千福寺多寶佛塔感應碑文

南陽岑勛撰

朝議郎判尚書武部員外郎琅邪顏真卿書

朝散大夫檢校尚書都官郎中東海徐浩題額

粵妙法蓮華諸佛之秘藏也多寶佛塔證經之踴現也  
發明資乎十力宏建在於四依有禪師法号楚金姓程  
廣平人也祖父並信著釋門慶歸法驛母高氏久而無

姪夜夢諸佛覺而有娠是生龍象之微無取熊羆之兆  
誕弥厥月炳然殊相岐嶷絕於葦茹髻鬣不爲童遊道  
樹萌芽聳豫章之楨幹禪池映滄涵巨海之波濤年甫  
七歲居然厭俗自誓出家禮藏探經法華在手宿命潛  
悟如識金環總持不遺若注瓶水九歲落髮住西京龍  
興寺從僧錄也進具之年昇座講法頓收珍藏異窮子  
之疾走直詣寶山無化城而可息尔後因靜夜持誦至  
多寶塔品身心泊然如入禪定忽見寶塔宛在目前釋  
迦分身遍滿空界行勤聖現業淨感深悲生悟中淚下  
如雨遂布衣一食不出戶庭期滿六年誓建茲塔既而



許王瓊及居士趙崇信女普意善來稽首咸捨珍財禪  
師以爲輯莊嚴之因資爽塏之地利見千福默議於心  
時千福有懷忍禪師忽於中夜見有一水發源龍興流  
注千福清澄泛灩中有方舟又見寶塔自空而下久之  
乃滅卽今建塔處也寺內淨人名法相先於其地復見  
燈光遠望則明近尋卽滅竊以水流開於法性舟泛表  
於慈航塔現兆於有成燈明示於無盡非至德精感其  
孰能與於此及禪師建言雜然歡愜負舂荷插于橐于  
囊登登憑憑是板是築灑以香水隱以金鉏我能竭誠  
工乃用壯禪師每夜於築階所懇志誦經勵精行道衆  
聞天樂咸嗅異香嘉歎之音聖凡相半至天寶元載創  
構材木肇安相輪禪師理會佛心感通

帝夢七

月十三日

勅內侍趙思偁求諸寶坊驗以所夢

入寺見塔禮問禪師

聖夢有字法名惟肖其日

賜錢五十萬絹千匹助建修也則知精一之行雖先

天而不違純如之心當後佛之授記晉漢明永平之日  
大化初流

我皇天寶之年寶塔斯建同符千古

昭有烈光於時道俗景附檀施山積庀徒度財功百其  
倍矣至二載

勅中使楊順景宣旨令禪

師于花萼樓下迎多寶塔額遂總僧事備法儀



宸睠俯臨額書下降又賜絹百疋

聖札飛毫動

雲龍之氣象 天文挂塔駐日月之光輝至四載塔事

將就表請慶齋歸功

帝力時僧道四部會逾萬

人有五色雲團輔塔頂衆盡瞻覩莫不崩悅大哉觀佛  
之光利用賓于法王禪師謂同學曰鵬運滄溟非雲羅  
之可頓心遊寂滅豈愛網之能加精進法門菩薩以自  
強不息本期同行復遂宿心鑿井見泥去水不遠讚木  
未熟得火何階凡我七僧聿懷一志晝夜塔下誦持法  
華香煙不斷經聲遞續炯以爲常沒身不替自三載每  
春秋二時集同行大德四十九人行法華三昧尋奉

恩旨許爲恒式前後道場所感舍利凡三千七十粒  
至六載欲葬舍利預嚴道場又降一百八粒畫普賢變  
于筆鋒上聯得一十九粒莫不圓體自動浮光瑩然禪  
師無我觀身子空求法先刺血寫法華經一部菩薩戒  
一卷觀普賢行經一卷乃取舍利三千粒盛以石函兼  
造自身石影跪而戴之同置塔下表至敬也使夫舟遷  
夜壑無變度門劫算墨塵未垂貞範又奉爲

主上及蒼生寫妙法蓮華經一千部金字三十六部用  
鎮寶塔又寫一千部散施受持靈應旣多具如本傳其  
軼 初內侍吳懷實賜金銅香鑪高一丈五尺奉



表陳謝手詔批云師宏濟之願感達人天莊嚴之心義  
以口果則法施財施信所宜先也 主上握至道

之靈符受如來之法印非禪師大慧超悟無以感於

宸衷非 主上至聖文明無以鑒於誠願倬彼寶

塔爲章梵宮經始之功真僧是葺克成之業 聖

主斯崇尔其爲狀也則岳聳蓮披雲垂蓋偃下欵崛以

踴地上亭盈而媚空中晻晻其靜深旁赫赫以宏敞礪

礪承陞琅玕絳檻玉瑱居楹銀黃拂戶重簷疊於畫栱

反宇環其璧璫坤靈曩曩以負砌天祇儼雅而翊戶或

復肩拏摯鳥肘環修虵冠盤巨龍帽抱猛獸勃如戰色

有與其容窮繪事之筆精選朝英之偈贊若乃開扇鏞

窺奧秘二尊分座疑對鷲山千帙發題若觀龍藏金碧

炁晃環珮葳蕤至于列三乘分八部聖徒翕習佛事森

羅方寸千名盈尺萬象大身現小廣座能卑須彌之容

欵入芥子寶蓋之狀頓覆三千昔衡岳思大禪師以法

華三昧傳悟天台智者尔來寂寥罕契真要法不可以

久廢生我禪師克嗣其業繼明二祖相望百年夫其法

華之教也開元關于一念照圓鏡於十方指陰界爲妙

門駢塵勞爲法侶聚沙能成佛道合掌已入聖流三乘

教門總而歸一八萬法藏我爲最雄譬猶滿月麗天瑩



光列衲山王映海蟻垤羣峯嗟乎三界之沉寐久矣佛  
以法華爲木鐸惟我禪師超然深悟其兒也岳瀆之秀  
冰雪之姿果脣貝齒蓮日月面望之厲卽之温覩相未  
言而降伏之心已過半矣同行禪師抱玉飛錫襲衡台  
之秘躅傳止觀之精義或名高帝選或行密衆  
師共宏開示之宗盡契圓常之理門人苾芻如巖靈悟  
淨真真空法濟等以定慧爲文質以戒忍爲剛柔含朴  
玉之光輝等旃檀之圍繞夫發行者因因圓則福廣起  
因者相相遣則慧深求無爲於有爲通解脫於文字舉  
事微理含毫強名偈曰

佛有妙法比象蓮華圓頓深入真淨無瑕慧通法界福  
利恒沙直至寶所俱乘大車其於戲上士發行正勤細  
想寶塔思宏勝因圓階已就層覆初陳乃昭帝

夢福應天人其輪奐斯崇爲章淨域真僧草創

聖主增飾中座耽耽飛簷翼翼薦臻靈感歸我

帝力其念彼後學心滯迷封昏衢未曉中道難逢常驚

夜杙還懼真龍不有禪伯誰明大宗其大海吞流崇山

納壤教門稱頓慈力能廣功起聚沙德成合掌開佛知

見法爲無上其情塵雖雜性海無漏定養聖胎染生迷

穀斷常起縛空色同謬蒼葡現前餘香何嗅其彤彤法



宇繁我四依事該理暢玉粹金輝慧鏡無垢慈燈照微  
空王可託本願同歸其七

天寶十一載歲次壬辰四月乙丑朔廿二日戊戌建  
勅檢校塔使正議大夫行內侍趙思偁  
判官內府丞車沖

檢校僧義方

河南史華口

右唐多寶塔感應碑岑助撰顏真卿書多寶塔者僧  
楚金所造楚金嘗寫法華經千餘部寘塔中今猶有  
存者余於士大夫家數見之余亦得其一卷乃乾元  
二年肅宗所造卷首佛像絹素畫蹟尙如新也金石錄

顏魯公多寶佛塔碑石刻在西安舊搨完善可讀公  
書如東方畫像家廟碑咸天天道峻風稜射人此帖  
結法尤整密但貴在藏鋒小遠大雅不無佐史之恨  
耳多寶佛塔事在法華經中歷過去未來阿僧祇劫  
世尊說法此佛卽現寶塔空中贊美大抵皆寓言也  
佛惟空是以常在常現常滿今以有爲迹求之得無  
去之愈遠乎一念發菩提心卽證菩提卽現多寶塔  
稱善哉人自不見聞耳身州山人四部稿  
有宦秦中者向余言唐碑石皆如玉其字皆直刻八  
深一二寸如今刻牙小印者然不似今碑但斜掠也



後問之李伯玉亦不盡爾惟此多寶塔等一二碑爲  
然所以經久不模糊此是魯公最勻穩書亦儘秀媚  
多姿第微帶俗正是近世掾史家鼻祖又點畫太圓  
整筆寫不應若此米元章謂魯公每使家僮刻字會  
主人意修改波擊致大失真觀此良非誣又因此知  
顏書是腕著案書案亦大有力倚此爲墻壁則折旋  
皆如意不致欹斜但作字時少減趣亦使無魏晉天  
然態耳今世所謂顏書率師此亦以其有牆壁易學  
故大抵字必帶俗乃入時眼乃盛行書畫跋跋

右顏魯公多寶佛塔碑岑勛文勛旣極言建塔光怪

夢寐雲物感應不可致詰之事以及一時人主崇信  
之篤賜予寵賚如是之隆而魯公又爲大書而深刻  
之今千有餘年家畜人有其見重於人蓋不但如予  
之所取以魯公之大節名書而已佛之道果足重於  
無窮哉蓋當時刺血塗金寫經祈福雖宮禁之嚴亦  
已靡然爲之降及後世又可知已近代能書如趙文  
敏公之徒則亦汲汲爲之雖一草廬吳先生不肯奉

詔撰文其如衆楚何

葉盛萊竹堂稿

顏公之書多矣惟此碑盛傳人間歐陽公作集古錄  
跋尾而此獨見遺惟趙氏金石錄有之謂嘗寫法華



經千餘部寘塔中士大夫家數見之則楚金之書至

宋猶有存者金薩琳瑯

魯公正書惟此碑最著以其字比諸碑稍小便于展

玩耳碑舊在興平千福寺不知何時移立西安府學

中石墨鐫華

岑參集有登千福寺楚金禪師法華院多寶塔詩金石

文字記

多寶塔為魯公少時書魯公書碑遍天下權輿於此

此碑以前無魯公書也虛舟題跋

右千福寺多寶塔感應碑康熙中碑石斷銘詞缺佛

知見法為五字空王可托本願同六字損歸我無空

四字末行缺大夫行內侍趙思七字潛研堂金石文跋尾

按碑前題西京千福寺多寶佛塔感應碑唐書地

理志京兆府京兆郡本雍州其都初曰京城天寶

元年曰西京是西京即京兆也石墨鐫華云碑舊

在興平千福寺興平為京兆屬縣今檢陝西通志

興平縣無千福寺但有多寶寺在縣治東南十五

里而不云有塔不知即千福寺否也撰文者岑勛

兩唐書無傳但署南陽而無官位殆未仕也書者

顏真卿結銜云判尚書武部員外郎唐書百官志



兵部尚書一人其屬有四一曰兵部二曰職方三  
 曰駕部四曰庫部龍朔二年改兵部曰司戎光宅  
 元年改曰夏官天寶十一載改曰武部此碑正立  
 千十一載四月則其時新改夏官為武部也尚書  
 上加判字史志不詳其制據兩唐書顏真卿傳則  
 其時為東都採訪判官再轉武部員外郎是所謂  
 判者判採訪不知碑何以云判尚書也新書傳真  
 卿被害在興元元年年七十六舊傳云七十七其生在景  
 龍三年是其書此碑年已四十四虛舟以為少時  
 書者約畧之詞耳題額者徐浩銜題檢校尚書都  
 官郎中新書傳載此官由河陽令為東都畱守王  
 倕表署其府累遷都官郎中舊唐書傳不載此官  
 稱其工艸隸以文學為張說所器重又云工楷隸  
 肅宗悅其能而不言工篆書新史傳又言其署府  
 時民有妄作符命者沿按篆詰狀果詐為之則其  
 能篆書宜也碑叙禪師楚金建塔之事大略云靜  
 夜持誦至多寶塔品忽見寶塔宛在目前期以六  
 年建塔既而許王瓊等咸捨珍財時千福有懷忍  
 禪師中夜見一水流注千福中有方舟又見寶塔  
 自空而下久之乃滅即建塔處也寺內淨人法相



於其地復見燈光遠明近滅天寶元載創構材木  
感通帝夢勅趙思偉入寺見塔賜錢絹助建修至  
二載勅旨令禪師于花萼樓下迎多寶塔額至六  
載乃刺血寫經石函盛舍利造自身石影同置塔  
下又寫蓮華經千部用鎮寶塔又寫千部散施受  
持其載勅賜銅香爐高一丈五尺表謝詔荅此建  
塔之始末也末云天寶十一載四月乙丑朔廿二  
日戊戌建据通鑑目錄是年四月丁丑朔非乙丑  
且廿二日戊戌則丁丑朔無疑也天寶元年感通  
帝夢及二年花萼樓下迎御書塔額此二事固本

紀所不應書卽所謂許王瓘者諱字玉旁當是元  
宗諸子而兩史諸王子傳無王許而名瓘者則不  
知碑所云爲何人也方外文字多誇張之詞不能  
盡覈者大率類是寫蓮華經旣用鎮塔復散施人  
間趙明誠所及見者卽此散施之本也岑參詩題  
云登千福寺楚金禪師法華院多寶塔蓋有塔必  
有院塔名多寶經品列于法華宜乎以法華名院  
而碑但詳叙建塔不及建院之事文從略也岑詩  
云多寶滅已久蓮華付吾師寶塔凌太空忽如湧  
出時明主親夢見世人今始知旣空泰山木亦罄



天府贊云云與碑合也

楊珣碑

碑高一丈五尺廣八尺五寸八分二十六行行五十七字隸書額題恒農先賢積慶之碑八字篆書在扶風縣法門寺

□□武部尚書鄭國公碑銘序

御製御書 皇太子臣亨奉 勅題額 是行正書

□□易與 天地准故君子洗心焉夫出處審乎

時默語存乎 道簡易成其大勞謙□於吉□□

□□□有人□□□□□□□□□□右相國忠

之父也純孝足以合禮移忠足以和義體仁足以長人

貞固足以幹事包大易之四德□□□□□□莫京□

□□□□□□□□□□以嗣者矣公諱珣字仲珣

華陰人也叔虞翦圭自周封晉伯喬食菜受邑君楊氏

族之先也黃雀四環□□□□□□□□潔白□□

□□□五公四代葉朱輪者兩漢百人門閥之宗也公

曾祖汪隨國子祭酒吏部尚書戴國公探 道秉

德□□□□大父令本庫部郎中□沂□三郡守講信

修睦不隕厥問烈孝志謙青城令追贈陳畱太守修辭

辯學薄遊以取榮冲用晦德積慶以垂裕□□□□

□有□光公承□□之陰騰體積善之陽報氣稟清明



生歆禮樂故藝能無不總博覽無不該嘗讀書至事親  
章乃輟卷長歎曰夫子志在春秋□□之□行在孝經  
□□□也乃□心所至誓不違親然鳴鶴遠聞招弓屢  
辟確乎不撓皆以色養懇辭青城府君每加誨誘俾之  
從政公乃□□□□面承大人庭訓孝乎惟孝友于  
兄弟施於有政是亦爲政也府君乃撫而慰之就成雅  
志自是三十餘載非躬薦甘旨不以潔□□□□□□  
□□□□定非□疾無□□之憂致□養極三牲之  
樂當時君子議以爲難及丁家艱哀毀踰制遂結廬墓  
左手植松楸郡縣以孝聞服滿召□□□□□□以旌□  
行遷延不行者久之或曰生極其養不違親以易身孝  
本乎仁豈懷寶而迷國又太夫人有苦切之誠乃應命  
焉換左衛兵曹以□□□□州司士轉杭州司士□□  
□□職及樂棘僅起衰麻外除謂楚祿萬鍾永無及已  
孔門四教庶有立乎乃息心參調優遊著述尋以親□  
□□□□□察使察罪舉能□□驪武令公□從政  
也蘊中和以息機推誠信以動物草木無天况人庶乎  
鬼神知感况豪右也所以堂上鳴琴□□□□□□  
□所在□□□□□用公之道行公之志推以一邑持  
宰天下亦信然乎神欺輔仁位不充德亭伯勞於



於郡掾仲躬止於太丘□□□□□□時宰竊位而□  
歎命之不偶□□□猶今享年五十有一開元五載遘  
疾終于麴武之縣解公始自解褐應召及乎易簀歸□  
凡六徙□□□□□者三□人者一□□□□之屯  
□無愠恚於三黜以之造次必周旋於四科傳曰涅而  
不縉摩而不磷公之謂矣夫人中山張氏僕射□□□  
□□□州希□□之□女恭儉之德訓□□宮貞信之教  
行于嬪族命之不造華年早凋以開元二十七年十月  
十六日合葬于岐陽之安平山南原禮也天寶七載追  
贈魏郡太守夫人中山郡夫人其孤國忠濟美代業應  
期王佐則我有 社稷參能衛之我有廊廟

余能宰之叶和九功九功惟序平章百姓百姓昭明俾  
九流衣冠萬邦黎獻丕乃大言曰咸有一德思皇萬年  
時惟余勞時惟余弼若然者雖我君臣之□□契理運  
亦乃祖□之訓貽厥門風於是美□□之克家霈春澤  
以流棊天寶十二載三月重贈公武部尚書追封鄭國  
公夫人鄭國夫人所以彰父教子忠君嘉臣節也俾萬  
載□□□□□□□□□希音則鉅鹿名將空深  
漢主之懷闕里先師逾愧魯侯之誅銘曰  
先王至德訓人惟孝倬哉楊侯獨立名教宏 道







猶有可辨者碑今尺高二丈三尺按今實高一丈一尺志誤寬六

尺二寸方趺刻海馬垂雲寬九尺制造鉅麗書法媿

美孝經末行有二載癸巳字上下闕知是天寶十二

載建立也題額亦工甚歐陽唐書世系楊珣出太尉

震之後上谷太守珍生清河太守真真生洛州刺史

宏農公懿懿生翼州刺史三門縣伯順順生儀同三

司平鄉縣公琛琛生梁都通守汪汪生庫部郎中令

本令本生昊陵令友諒友諒生宣州司士參軍珣珣

生國忠而友亮之弟志謙生蜀州司戶參軍元炎元

炎生太真妃故妃與國忠應為同曾祖之兄妹而碑

云珣之考為青城令志謙是元炎與珣同志謙所生

珣生國忠元炎生貴妃如與國忠為同祖之兄妹匪

同曾祖之兄妹也此史之誤於世系也碑曰汪為隋

國子祭酒吏部尚書戴國公而世系只言梁郡通守

此史之誤於職官也貴妃傳言詔為元炎立宗廟帝

自書其碑此因帝有題碑之事曠代作史誤傳珣為

元炎不曾親察此碑爾此史之誤于紀事也嗚呼金

石之文不泯於世功豈淺鮮哉碑中孝乎惟孝亦是

四字為句扶風縣志

舊唐書楊國忠蒲州永樂人父珣以國忠貴贈兵部



尚書案職官志天寶十一載正月改吏部爲文部兵部爲武部則十二載追贈應從武部史以爲兵部未詳核也碑稱仲珣華陰人蓋舉其族望故與傳稱求樂有別開元未改年爲載此稱五載或追紀書之

長堂

金石跋

碑云天寶十二載當卽立碑之年舊唐書天寶十一載正月改吏部爲文部兵部爲武部刑部爲憲部通鑑正月作三月唐六典不載此事新唐書則漏去武部之文又以憲部爲司憲亦誤也以余所見唐碑之稱文部武部者內侍孫府君墓誌銘行文部常選中

堂構撰多寶塔銘武部判官徐浩題額是已攷胡三省引鄭審天寶故事謂國忠本張易之之子史及通鑑皆云國忠爲易之之甥今此碑云珣夫人中山張氏與史合其云叔虞翦圭自周封晉伯喬食萊受邑君楊按漢揚雄傳其先出自有周僑者以支庶初食采于晉之揚因氏焉則伯喬乃揚之祖其字從手不從木自雄而外別無揚氏今叙珣先世而述揚氏之先妄矣又貴妃傳謂是元炎之女國忠傳謂是妃之從祖兄參以宰相世系表國忠高祖汪曾祖令本令本三子曰吳陵令友諒曰志謙曰志詮吳陵者武后



爲其父墓所立石也友諒乃珣之父而國忠之祖志謙則元炎之父而妃之祖也是妃爲國忠之再從姝今此碑乃以志謙爲珣父蓋國忠當日倚恃戚晚以作威福引而近之冒稱與她同祖元宗蔽惑爲其父製碑遂據其所稱者書之耳金石錄反以史爲誤此過信碑文矣又表于汪書隋梁郡通守而碑云國子祭酒吏部尙書表于志謙不書官而碑云青城令恐碑辭皆不足信也

蛾術編

案楊珣碑云志謙生珣珣生國忠是國忠與貴妃爲同祖兄弟及以宰相世系表校之今本生友諒志謙而友諒生珣珣生國忠志謙生元炎兄弟三人元炎生貴妃是與國忠爲同曾祖兄弟國忠傳亦言國忠爲太真妃之從祖兄蓋新書表傳並以珣爲友諒子也然碑立于當時且出元宗御製自當以碑爲正惟珣若爲志謙子則元炎兄弟當有四人珣之行次不知何屬而友諒或無後未可知也又新書貴妃傳云徙籍河中遂爲末樂人而碑云華陰人及珣之葬所又在岐陽殆從宦遷徙不常厥居之故歟若夫碑額云宏農者從族望也貴妃本元璵長女明皇以壽邸之嫌其冊妃也謂爲



元炎少女考之史蓋幼養叔父家此少女之文所  
由假借歟至碑云夫人中山張氏當是易之之女  
故國忠傳謂其所自出耳傳言深山大澤實生龍  
蛇武張之亂輾轉歷數十年而禍水益烈必至邦  
之杌隳而後已也氣談之所取可不畏哉

又按碑題武部尙書鄭國公所題官與爵皆天寶  
十二載三月所贈唐書宰相世系表皆略而不載  
但稱珣爲宣州司士參軍而已又碑載天寶七載  
先贈魏郡太守表亦不書若謂表但書生前所歷  
最後之官則碑稱終元武令之縣解是其官終於

元武令也其未令元武之先碑有云換左衛兵曹  
以口州司士轉杭州司士以表證之其所泐之州  
名當是宣州則亦在杭州之先不知表何獨有取  
於宣州也碑是御製御書而皇太子亨奉勅題額  
太子卽肅宗也額題恒農從其族望而下有先賢  
積慶字題額而有褒頌之詞者始見于此碑稱夫  
人中山張氏僕射<sub>下</sub>州希口之口女舊書國忠傳  
則天朝幸臣張易之卽國忠舅也新傳云國忠張  
易之之出也爾雅釋訓男子謂姊妹之子爲出則  
國忠爲張易之之甥夫人爲易之之姊妹新書張



易之附見行成傳云追贈易之父希臧爲襄州刺史則碑所泐者乃襄州刺史希臧也末題天寶十二載歲次癸巳八月□□□十六日下是月巳巳朔十六日爲甲申可以補碑之泐也

劉威墓誌銘

石高一尺二寸七分廣一尺二寸四分廿三行每行廿二字行書

唐故雲麾將軍左龍武軍將軍彭城劉公墓誌銘

并序

河東進士李震撰

集賢院上柱國安定郡席彬書

尚夫乘閒氣孕淳精扇風雲盪河岳體五行之秀應三才之靈者繁我劉公而是焉公諱感彭城人也

曾祖諱存隱德不仕耽逸丘園祖諱晃父因子貴克

大吾門皇朝贈南谿郡司馬公清德難尙至理可

師屬我皇撥亂之開元也公提劍以從技戈而先

附鳳高翔攀龍潛躍遂使羣兇泥首萬方革面解

褐授翊麾副尉行興州大挑戍主遷右衛寧州彭池府

左果毅靈鑿洞照應變知微命偶聖君職叅都

尉又改昭武按尉行左衛陝州曹陽府折衝轉左領軍

衛同州襄城府折衝叅謀帷幄之中制勝樽俎之右無

何拜寧遠將軍左武衛翊府右郎將又遷明威將軍右



龍武翊府中郎將公位階鴻漸官達虎賁騰凌建信之  
名標淮公幹之氣轉雲麾將軍左龍武軍將軍上柱國  
進封彭城郡開國伯食邑七百戶 皇帝乃命圖  
形麟閣賜印雲臺公侯伯子之榮封河山茅土貝冑朱  
纓之貴列長戟高門忽興逝水之悲終銜過隙之歎以  
天寶十二載二月廿一日薨於末興里之私第春秋七  
十一以其年十月卅日葬於咸寧縣黃臺卿之原禮也  
嗚呼地理勇骨天落將星蕭瑟松門悽涼薤挽嗣子秀  
等哀哀血淚藥藥棘心願頌惟家之風以象他山之石  
銘曰

三秦南九泉窟鶴報地兮潛恍惚森拱木問荒墳人瘞  
玉兮碎氤氳

誌石近出土完好前列河東進士李震撰宰相世系

表列震泉州刺史

案表又有震起  
若郎未知孰是

集賢院上柱國席

彬書舊唐書職官志有集賢殿書院卽誌所稱集賢

院也院設官各有職任不聞以勳官備員蓋亦志文

所闕與劉威誌稱其當元宗撥亂之開元提劍以從

遂使羣兇授首云云開元元年秋七月甲子太平公

主及岑義蕭至忠竇懷貞謀反伏誅威當時從討立

功始基於此誌所書威歷轉階職由從七品下進正



金石錄卷八十一  
六品上又進正五品下又進從四品下最後轉從三  
品上無一越級者攷感初從元宗撥亂事定僅授翊  
麾副尉蓋非有殊勲可紀如碑所云殆亦子孫文飾  
之辭欲耀於人與黃臺鄉見元載傳稱萬年縣界此  
作咸寧地里志萬年天寶七載改爲咸寧乾元復舊  
此當天寶十二載故依改名元載當大歷十二年故  
仍舊稱也史例之嚴如是惟大桃戍新舊書地里志  
皆遺此名其屬何州不可攷矣

授堂金  
石跋

### 香積寺經幢

幢高三尺八而每面廣五寸作四行  
書今已斷僅存下截字數無考正書

### 香積寺施燈功德經幢

### 施燈功德經

文不  
錄

闕陽府折衝□□□□□□□□如□下

此書在香積寺行草亦勁逸

石墨  
錯華

右碑題首缺二字下云施燈功德經空五字又云齋

世耶舍譯後云天寶十三載正月十五日左驍衛漁

陽府折衝下姜如珍等同建按經文義勸人施燈于

塔院者有全照一階道二階三階四階或及塔身一

級二級以至多級一面二面乃至四面等語且有

空絹索經云云字畫近褚河南碑在香積寺中

金石  
錄補



金石萃編卷八十九終

金石萃編卷九十

賜進士出身 誥授光祿大夫刑部右侍郎加七級王昶撰

唐 五十

孫志廉墓誌

石高二尺五寸七分廣一尺四寸二分二十四行行二十四字正書今在蘇州靈巖山館

唐故內侍省內常侍孫府君墓誌銘 并序

朝議郎行陝郡平陸縣尉申堂構撰

文林郎行文部常選上柱國南陽韓獻之書

公諱志廉字惠達富陽人也昔吳稱帝業飛龍鬱起於

江東漢辟賢臣易道超來於北海彼德高致遠者蓋則



其先故知族茂慶流弥蒙洎後□□之□□之第六  
子也承家之績克奉徽猷風姿璨然自幼及長智識天  
與藝能師資既得時以自致寔負才而見口服勤就養  
竭力盡忠承顏不違虔心至孝居公守道在職惟賢適  
褐授儒林郎拜內謁者監陟資驟進俄遷朝議大夫守  
內常侍朱紱奕奕儀容堂堂言語侍從之臣左右中涓  
之任淑慎攸止咸當 聖情君恩曲臨殊私荐及出

入鴛鸞之殿栖遊日月之宮踈紫鸞於香街捧金輪於  
馳道者蓋得其忠焉公以勢莫久居了真空而是觀所  
歸正信悟卽有而得靡予以運短道長功存已沒天寶  
十二載十一月十一日寢疾終於咸寧縣來庭里之私  
第時春秋五十二夫人則天水郡君趙氏之女作嬪叶  
禮于飛有光先夫亡沒三歲而已卽以明年夏六月八  
日合葬我府君夫人于長樂原之禮也 天子以舊  
臣可重軫念于懷旣贈之以粟帛復爰申于吊祭卽事  
之日人力借供嗚呼生榮沒哀身沈譽在總帷已故石  
槨猶新掩泉戶以空幽慮棄田之有變將刻石以斯著  
庶不爲冥冥君者乎乃作銘曰

名家令族孝子忠臣禮義及物賢良立身鬱鬱芳猷堂  
堂雅重白珪無玷玉卮有當官因德建寵自勤榮侍衛



宮禁輝光日生上壽未央於烏卒歲落影西沉巨川東  
逝白日晝短黃泉夜長佳城寂寞原野悲涼美石已刊  
功名□□□□□□游千秋不□

右內侍省內常侍□府君墓誌銘今在咸陽縣文字  
完好而府君之姓獨剝落誌□□□之第六子亦闕  
三字蓋爲人椎去攷其文云吳稱帝業飛龍鬱起于  
江東漢辟賢臣易道超來于北海疑其族出孫氏也  
志廉官中常侍階止正五品下生平無他表見旣沒  
之曰詔贈粟帛申之弔祭喪事人力借供於是知明  
皇之崇寵宦者踰越常制以啓一代閹豎之禍所由  
來漸矣唐六典無文部常選之名舊唐書職官志天  
寶十二載改吏部爲文部新書亦同斯碑立于天寶  
十三載故曰文部所謂常選者不知何官攷宰相世  
系表有吏部常選又有兵部常選意其爲選人之稱  
爾銘詞云堂堂雅重蓋雅量之訛與下玉卮有當協  
韻矣堂構丹徒人有詩名殷遙選其詩入丹陽集史  
稱其爲武進尉不云平陸尉也

潛研堂金石文跋尾

此碑向在農家乾隆四十三年余以數千錢買之今  
移置靈巖山館庶免村童敲火牧牛礪角之菑也

金石記



銘文字完好錢少詹事攷宰相世系表有吏部常選  
又有兵部常選者意其為選人之稱予案唐書選舉  
志由學館者曰生徒由州縣者曰鄉貢皆升於有司  
而進退之云云此歲舉之常選也蓋韓獻之先有勳  
階又就歲舉而隸於文部故曰常選也與又敘云公  
諱志廉字惠達富陽人也適褐授儒林郎拜內謁者  
監俄遷朝議大夫守內常侍以天寶十二載十一月  
終於咸陽縣來庭里之私第卽以明年夏六月合葬  
長樂原案長安志天寶七載改萬年縣為咸陽縣縣  
惟胄貴里神鹿里見於志此誌所載來庭里蓋闕錄  
也長樂原据是縣長樂坡在縣東北僅一十里此稱  
為原蓋一地耳釋褐作適雅量作重書石者誤也

金石跋

授堂

按碑云志廉富陽人富陽孫氏大率皆三國孫吳  
之裔文所謂吳稱帝業飛龍鬱起於江東者是已  
至謂漢辟賢臣易道起來於北海後漢有孫賓碩  
北海人桓帝時賓碩年二十入市遇趙岐疑其非  
常人載之歸又有孫乾北海人先主為徐州牧辟  
為從事又有孫期成武人習京氏易家貧不仕郡  
舉方正不顧司徒黃琬特辟之不行此所指不能



臆定其爲何人也文稱府君有夫人趙氏而不云  
其有嗣子不知其經營合葬之事何人主之申堂  
構有詩名統籤不收其詩韓獻之名亦不列于譜  
譜皆畧也

劉元尙墓誌

志高廣各二尺五寸七分共  
二十七行行二十七字行書

大唐故雲麾將軍左監門衛將軍上柱國彭城縣開國  
公劉府君墓誌銘 并序

通直郎前行右武衛騎曹參軍竇忻撰

鴈門田頴書

君諱元尙字元尙彭城人也出自軒黃之後繼乎光武  
之塵長源遠派口裔于公焉祖 高道不仕父 居心  
物外混迹人閒絕粒歸真澄神息念公稟靈口得風雲  
之氣感嶽瀆之精茂歲有奇與同年而特異弱冠蒞仕  
於口衛而超功蒞在 帝心於斯爲美解褐拜掖庭  
監作大食市馬使燕王市於駿骨伯樂顧之龍馬遂使  
三軍迎送萬里循環榮寵是加超公內寺伯也復爲骨  
利幹市馬崎嶇百國來注三春追風躍而奔騰逐日迴  
而來獻遂加公謁者監奚首領屈突于侵擾候亭攪亂  
軍旅公密奉 綸誥勒公討之則知 聖澤推賢



軍容得士公有坐帷之策剋日摧鋒立計之謀應時瓦解特拜內侍答公之德也北庭使劉渙躬行勃逆委公斬之又瀚海監臨宣慰四鎮兵士畏愛將師威攝無何遷雲麾將軍左監門衛將軍攝省事罷 恩極也仍

知武德中尚五作坊使 國家寄重珍翫不輕妙眩工

翰巧泛班氏能爲口口幹得公心出人肅清內外皆美

向一十五載考績踰深何必上口下口能無有口况招

寃謗徒有鑠詞 聖上委公清慎特令無事雖去官

祿而不離家得預懸車於茲足矣未錫樓船之號俄聞

梁木之歌惟公以天寶十二載八月十一日遘疾薨于

金城里之私第春秋六十有八 皇情悲悼朝野增

傷以天寶十三載十有一月廿九日寔于龍原府大人

舊塋合祔禮也勢搞長原氣連秦岫崗巒藂倚宮闕崢

嶸嗣子守義常選蘇期內給事上柱國守志宮教博士

並泣血茹荼哀纏觸類氣添哽咽痛感嗷口哀笳斷絕

於長空楚挽喧闕於廣陌克誠克信有度有章用展節

終記之金石銘曰

帝軒之鷹光武傳家盈門金紫寵幄榮華夫盛必哀有

會克離聖人既則神道何爲物慮推遷迹存不朽勒石

題銘同天地久



按碑稱釋褐拜掖庭監作大食市馬使唐六典掖  
庭局有監作四人從九品下監宮中雜作之事大  
食者西域大食國也市馬使無專員六典總紀于  
互市監條下云諸互市監各掌諸蕃交易之事凡  
互市所得馬駝驢牛等各別其色具齒歲膚第以  
言于所隸州府申聞太僕差官吏相與受領印記  
上馬送京師餘量其衆寡並遣使送之任其在路  
牧放焉其營州管內蕃馬出貨選其少壯者官爲  
市之是營州市馬之官爲六典所特詳而不及大  
食并碑下文所云骨利幹市馬尤未詳也碑又云  
奚首領屈突于侵擾候亭勒公討之又北庭劉渙  
躬行勃逆委公斬之此二事史皆無攷奚有東西  
之別與契丹同爲北狄部落若屈突是姓則通志  
氏族略云本居元朔後徙昌黎家長安久爲內地  
著姓此言奚之首領似非其族若屈突于是奚酋  
之名則唐書北狄傳不見其人惟契丹有可突于  
名與相似而迥非其人不能攷也碑又云知武德  
中尙五作坊使六典少府監有中尙署左尙署右  
尙署之官其官名始于梁置左中右尙方三令丞  
唐制省方字但曰中尙左尙右尙然中尙署官但



有令一人丞四人監作四人未嘗有五作坊使及武德中尙之名目且題有上柱國彭城縣開國公之勳爵文內亦不詳其加于何時末云窆于龍原府大人舊塋合祔龍原府未詳所謂舊塋不知其先世何人之塋也

高乾式造象碑

碑高三尺六寸中刻凸起佛像四邊題名正書在濟寧州興文鎮俗呼平頭店

心主高乾式爲亡考妣敬造神碑一所上爲國王下及

師僧父母七世先亡見存眷屬同登正覺左行

祖高小妻李 留环妻董 口环男神應妻顏男章女二

娘 妻翁郭原妻馮 乾式妻翁丁忠信 口妻成公

口薛元宣姊二娘夫謝方運

口口口口口口

男神度妻趙

劍男子雲

亡男皈僧

女四娘

度亡男仏奴

男留留

女五娘

口妻韓

碑側



施主韓萬歲 施主 施希善

維天寶十三載歲次甲午閏十一月壬戌朔廿四日

建立右

造碑人檀如洛

按碑中佛像突起其餘人名甚多佛像下皆刻小兒形亦凸起而無首聞碑向在洿池中居人每見羣兒戲月下逐之並入水竭其池得碑移入寺又見羣兒從寺門出逐逐其首怪乃絕

濟寧州志

右高乾式造像碑在興文鎮佛寺大雄殿西階下余於乾隆乙未七月初見是碑詢土人云乾隆初掘地

得之見有佛像因樹于此亦不知為唐物也余摩挲

久之得其歲月戊戌三月始拓數本以歸

李東琪記

右碑額間刻像一軀中分二層亦刻佛像左邊題心

主高乾式云云右邊題唯天寶十三載云云餘皆施

主姓氏惟中有小楷一段皆漫滅不可詮次

山左金石志

按此碑額刻佛像一軀碑中分上下二層上層刻

佛像二列上一列佛像五軀極詭怪下一列佛像

居中立者一左右侍者六下層中幅上下二列上

列像三軀上施幃帳下列像三軀右幅四列上下

二列各像二軀中二列各像五軀左幅三列上下



二列各像二軀中一列像分兩節共十軀像極小  
濟寧州志誤以爲小兒形也像首俱完好但模糊  
不分眉目州志以爲琢其首怪乃絕者亦非其題  
字繞左右兩邊及碑中下層中幅之左右連及左  
幅之上列及于兩側蓋此形式與諸造像碑異也  
題名中造像人六字特大餘皆小字凡佛門檀護  
稱之曰主如像主經主齋主施主之類獨此碑謂  
之心主殆與普照寺經幢所稱發心主之義同也  
題名皆一家眷屬其中有妻名成公者男名雷雷  
者爲可異

### 東方朔畫贊碑

碑連額高一丈一尺二寸廣四尺五寸五分厚九寸  
四面刻連陰共三十六行行三十字正書額題漢大  
中大夫東方朔先生畫贊碑  
十二字篆書在德州署

漢太中大夫東方朔先生畫贊

并序

晉夏侯湛撰

唐平原太守顏真卿書

大夫諱朔字曼倩平原馱次人也魏建安中分馱次爲  
樂陵郡故又爲郡人焉事漢武帝漢書具載共事先生  
瓌瑋博達思周變通以爲濁世不可以富貴也故薄遊  
以取位苟出不可以直道也故頡頏以傲世傲世不可



以垂訓也故正諫以明節明節不可以久安也故詆諧以取容潔其道而穢其跡清其質而濁其文弛張而不爲邪進退而不離羣若乃遠心曠度瞻智宏材侷儻博物觸類多能台變以明筭幽贊以知來自三墳五典八索九丘陰陽圖緯之學百家衆流之論周給敏捷之辯支離覆逆之數經脉藥石之藝射御書計之術乃研精而究其理不習而盡其功經目而諷於口過耳而聞於心夫其明濟開豁包含麤大陵轢卿相嘲哂豪傑籠罩靡前踞藉貴勢出不休顯賤不變感戲萬乘若寮友視儔列於草芥雄節邁倫高氣蓋世可謂拔乎其萃遊方

之外者也談者又以先生嘘吸冲和吐故納新蟬蛻龍變棄世登仙神友造化靈爲星辰此又奇恠忽恍不可備論者也大人來守此國僕自京都言歸定省覩先生之縣邑想先生之高風徘徊路寢見先生之遺像逍遙城郭觀先生之祠宇慨然有懷乃作頌焉其辭曰

矯矯先生肥遁居貞退不終否進亦避榮臨世濯足希古振纓涅而無滓既濁能清無滓伊何高明克柔能清伊何視汗若浮樂在必行處儉凶憂跨世凌時遠蹈獨遊瞻望往代爰想遐蹤邈邈先生其道猶龍染迹朝隱和而不同棲遲下位聊以從容我來自東言適茲邑敬



金石錄卷九十一  
問墟墳企佇原隰墟墓六年精靈永戢已思其祀祠宇  
斯立徘徊寺寢遺像在圖周旋祠宇庭序荒蕪棟棟傾  
落草萊弗除肅肅先生豈焉是居是居弗形悠悠我情  
咎在有德罔不遺靈天秩有禮神鑒孔明髣髴風塵用  
垂頌聲

碑陰

碑陰記正書額題有漢東方先生畫贊碑陰之記十二字隸書

東方先生畫贊碑陰記

唐平原太守琅邪顏真卿撰并書及題額

東方先生畫贊者晉散騎常侍夏侯湛之所作也湛  
字孝若父莊爲樂陵太守因來觀省遂作斯文贊云  
大夫諱朔字昺倩平原狀次人魏建安中分狀次爲  
樂陵郡又爲郡人焉狀次今移屬樂安郡東去祠廟  
二百里故狀次城今在平原郡安德縣東北廿二里  
廟西南一里先生形像今則捏素爲之并二細君侍  
焉郡嘗爲德州其贊開元八年刺史韓公思復刻于  
石碑真卿去歲拜此郡屬殿中侍御史平公冽監察  
御史閻公寬李公史兪右金吾曹曹宋公審咸以河  
北採訪使東平王判官巡按狎至真卿侯于境上而  
先生祠廟不遠道周亟與數公泉家兄淄川司馬曜



卿長史前洛陽令蕭晉用前醴泉尉李伯魚徵君左  
驍衛兵曹張璲麟遊尉韋宅相朝城主簿韋夏有司  
經正字畢燿族弟渾前叅軍鄭悟初同茲謁拜退而  
游于中唐則韓之刻石存焉僉歎其文字纖靡駁癡  
生金冊年間已不可識真卿於是勒諸他山之石蓋  
取其字大可久不復課其工拙故援翰而不辭焉至  
若先生事跡則載在太史公書漢書風俗通武帝內  
傳十洲記列仙神仙高士傳此不復紀焉有唐天寶  
十三載季冬辛卯朔建

河北道德州安德縣東方朔廟在縣北四十里係祀

典唐大歷中刺史顏真卿重鐫夏侯湛讚碑見存

寰宇記

右東方朔畫贊晉夏侯湛撰唐顏真卿書贊在文選  
中今較選本二字不同而義無異也選本曰棄俗登  
仙而此云棄世選本曰神交造化而此云神友 右

畫贊碑陰唐顏真卿撰并書湛贊開元八年德州刺  
史韓思復刻于廟天寶十三年真卿始別書之

集古錄

顏魯公平生寫碑唯東方朔畫讚為清雄字間櫛比  
而不失清遠其後見逸少本乃知魯公字字臨此書  
雖大小相懸而氣韻良是非自得於書未易為此言



也

東坡集

東方曷倩書贊昔魯公守平原時爲書今其石刻剝  
剝後世復爲摹搨以傳然魯公于書其神明煥發正  
在筆畫外若爲朱墨而印于石者此待詔書爾果有  
道耶公之幸今猶存者更數十百年後石破字缺人  
間所得皆其傳摹見者必唾而笑之其書不足傳也

廣川書跋

東方畫像贊碑陰記顏魯公書石刻在陵縣陵卽古  
平原郡也故城址猶存今僅三之一耳碑已再刻余  
所得乃舊本雖小糲泐然其峭骨遒氣滃鬱奮張亦

足辟易餘子

兗州山人稿

此碑在山東陵縣王元美曾得舊本余所收乃長安  
故家者小小磨泐當與元美家搨本同書法峭拔奮  
張固是魯公得意筆也元美謂東方生蹟固奇詭夏  
侯文亦有壺公薊子意獨公書嚴整未稱不若留右  
軍寫其情性可也余則謂魯公以忠義而好神仙小  
說載公歿后指甲金色透出手背又寄家人手書事  
雖涉怪誕而亦可以證公深于神仙之術固東方生  
千載至契也然其筆却無物外姿態不如書汾陽家

廟大是本色

石墨鐫華



此碑久毀東明穆先生得古搨重刻之石其期立等字多譌想其元搨漫滅者時有之矣余前過平原留意蹤跡之迄不可得後乃購得此本字更明悉何嘗有譌字且其篆題兼存尤古雅峻峭全無鈍質俗態此時陽冰稱高手乃其文采風流不及此十二字也其贊字眎顏他書獨瘦勁恬適與家廟碑相上下蓋公中年制作最爲得意想此搨在穆先生所收數百年之前可見世之罕物時時在人家但不易遇耳

余旣得先生畫贊自記希有之遇矣其後又得此記字比畫贊更大而筆尤豐偉鋒芒轉換一一如新蓋

搨更在前者遂成完璧其題乃八分魯公分書更少見尤可寶也記稱廟象捏素爲之二細君旁侍風流可想而書之年爲天寶十三載亂在目前而平閭李宋四公又以北平王判官巡按狎至然魯公兄弟又何其旁則亂萌節兆又相參錯可爲有國之永永鑒公所爲搨韓君開元八年之新碑而大書之者非亟也關係治亂當傳之百代耳

墨林快事

右記晉夏侯湛撰顏真卿書唐諱御名凡書行文至無可避處往往缺一筆以存其意魯公于此記民字一見則缺末筆世字三見宏字一見皆不缺且此記



載昭明文選中集古錄云較選本二字不同而義無異按選本曰神交造化此云神友選本云棄俗登仙此云棄世登仙夫因避諱而改古人之文或有之矣此則改前文以犯諱何也

金石後錄

魯公書如家廟元靜等碑皆其晚歲極矜練作此碑書於天寶十三載距貞元元年七十有七為李希烈所害尚三十有二年則此為四十五歲時所作乃其盛年書故神明煥發而時出姿態不失清遠耳東坡謂魯公此碑字字臨逸少雖大小不倫而氣韻良是按右軍為王脩書東方朔書贊脩死其母以其生平所愛納之棺中則知右軍書不傳久矣故常擬以為偽而董廣川亦謂後人為之託逸少以傳今觀魯公後記云取其字大可久不復課其工拙厚自謙抑明是自書又其文字與右軍所書多不同決知其非臨右軍書矣安世鳳墨林快事謂此碑久毀東明穆先生得古搨重刻之故其斯立等字多譌據此則此碑今為重刻然較文選所載原文惟弃俗作棄世神交作神友耳此外絕無譌字不省安氏所云多譌者是何刻也或其所見是南渡後權場所市覆本亦未可知碑首兩額皆魯公所題前贊不書互見耳安氏



稱十二字古雅峻拔陽冰手所不及未免譽過其實  
此書方整實不及陽冰余以魯公篆隸絕少故并臨  
之按舊唐書楊國忠怒公不附已出爲平原太守  
平原去范陽不遠爲祿山東戶是時祿山反兆已萌  
公託霖雨脩城池料丁壯儲廩實乃陽會文士泛舟  
外池飲酒賦詩祿山以爲書生易之遂不爲防而竟  
爲公所困此碑立于天寶十三載距祿山之反一載  
耳而斤斤爲此不急之務大書深刻惟恐後時蓋卽  
當時飲酒賦詩之意明示祿山以書生所急不過如  
此使祿山以爲不足慮而後可圖大計耳蓋公之用  
意深曲一至于此千百載後攬此碑者但賞其書法  
之佳豈知公之苦心有不可明言者哉余故特表而

出之

竹雲  
題跋

碑陰記云殿中侍御史平公列等咸以河北採訪使  
東平王判官巡按狎至真卿候于境上而先生祠廟  
不遠道周亟與數公同遊茲廟舊唐書安祿山傳引  
平列李史魚在幕下以此記推之又有閻寬朱審二  
人與平李並爲判官則祿山包藏禍心壁後置人蓋  
其夥哉矐卿見杲卿傳開元中與兄春卿弟矐卿並  
以書判拔萃起等者畢矐見酷吏敬羽傳與毛若虛



裴昇畢曜同時爲御史又叛臣喬琳傳郭子儀表琳朔方府掌書記與聯舍畢曜相掉訐宰相世系表曜侍御史今碑作耀不從曰按唐書畢構傳子炕世系表抗與曜爲一格疑皆從火碑所書爲正杜集存沒口號畢曜仍傳舊小詩曜一作耀亦耀之轉授堂金石跋右畫贊文凡二十二行碑陽十八行和而不同棲遲止碑陰四行下位聊以從容起後刻記文十四行陵縣志載東方先生祠在神頭店卽漢之歌次縣也顏書八分惟見此額山左金石志

東方朔畫象讚云大夫諱朔平原厭次人魏建安中分厭次爲樂陵郡故又爲郡人焉厭次今移屬樂安郡東去祠二百里故厭次城在今平原郡安德縣東北二十二里廟西南一里攷漢志無厭次蓋高祖功臣表有厭次侯爰類是起於楚漢間後省後漢明帝始更富平爲厭次非朔之里居也唐志以厭次移屬棣州樂安郡卽後漢富平故去祠廟轉遠其厭次故城在平原郡安德縣東北者是爲朔之故里而廟亦隸焉樂史太平寰宇記河北道德州安德縣東方朔祠在縣東四十里唐刺史顏真卿重鐫夏侯湛贊現存于欽齊乘東方朔墓在德州東四十里古厭次城



北祠在墓南顏魯公書畫贊立碑祠下今碑移州署  
顧炎武云今在陵縣署內顏公云去安德二十二里  
樂史于欽云四十里小參差碑陰記云其像則捏素  
爲之以兩細君侍焉按朔傳注以細君爲朔之妻又  
宋常陽妻龍氏輔女紅餘志序稱爲細君今言有兩  
細君則爲妾矣又玉臺新咏云漢武帝元封中以江  
都王女細君爲公主嫁與烏孫昆彌至國則細君似  
亦通稱蛾術編

傳則有之似當作續太史公書梁玉繩清

按碑今在濟南府陵縣今之陵縣在唐時謂之安  
德縣隸德州平原郡屬河北道兩唐書顏真卿傳  
但言爲宰相楊國忠所惡出爲平原郡太守而不  
詳何年据此碑云去歲拜此郡則是天寶十二載  
也真卿書多寶塔碑結銜爲武部員外郎時天寶  
十一載而傳載平原太守在武部員外之後尤足  
爲十二載之證傳又云安祿山逆節頗著真卿以  
霖雨爲託修城浚池陰料丁壯儲廩實乃陽會文  
士泛舟外池飲酒賦詩或讒於祿山祿山亦密偵



聲無聞何以口聖策謀從缺頌曰缺

按此碑題哥舒翰紀功碑文殘缺僅存一百餘字  
可讀者曰德化侔堯匿經綸象雲雷云云數語而  
已不知所紀何功且不見立碑歲月兩唐書哥舒  
翰傳翰之先蓋突騎施酋長哥舒郡之裔世居安  
西自被召入朝拜鴻臚卿爲隴右節度副大使踰  
年築神威軍青海上與吐蕃戰攻破之由是吐蕃  
不敢近青海天寶八載詔翰以朔方河東羣牧兵  
十萬攻吐蕃石堡城三日而下遂以赤嶺爲西塞  
開屯田備軍實加特進賜資彌渥十一載加開府

儀同三司進封涼國公兼河西節度使攻破吐蕃  
洪濟大莫門等城收黃河九曲以其地置洮陽郡  
築神策宛秀二軍進封西平郡王賜音樂田園又  
賜一子五品官裨將賞拜有差其立碑紀功似當  
卽在此時嗣後不久爲天寶十四載安祿山反翰  
移兵潼關戰敗降賊不復有功可紀矣更以唐書  
吐蕃傳證之吐蕃自中宗景龍三年和親金城公  
主下嫁後聘使往來國以赤嶺爲界表以大碑刻  
約其上詔張守珪分諭劍南河西州縣自今和好  
無相侵暴迨金城公主薨後未久吐蕃乃悉衆入



聲無聞何以口聖策謀從缺頌曰缺

按此碑題哥舒翰紀功碑文殘缺僅存一百餘字  
可讀者曰德化侔元墜經綸象雲雷云云數語而  
已不知所紀何功且不見立碑歲月兩唐書哥舒  
翰傳翰之先蓋突騎施酋長哥舒郡之裔世居安  
西自被召入朝拜鴻臚卿爲隴右節度副大使踰  
年築神威軍青海上與吐蕃戰攻破之由是吐蕃  
不敢近青海天寶八載詔翰以朔方河東羣牧兵  
十萬攻吐蕃石堡城三日而下遂以赤嶺爲西塞  
開屯田備軍實加特進賜賚彌渥十一載加開府

儀同三司進封涼國公兼河西節度使攻破吐蕃  
洪濟大莫門等城收黃河九曲以其地置洮陽郡  
築神策宛秀二軍進封西平郡王賜音樂田園又  
賜一子五品官裨將賞拜有差其立碑紀功似當  
卽在此時嗣後不久爲天寶十四載安祿山反翰  
移兵潼關戰敗降賊不復有功可紀矣更以唐書  
吐蕃傳證之吐蕃自中宗景龍三年和親金城公  
主下嫁後聘使往來國以赤嶺爲界表以大碑刻  
約其上詔張守珪分諭劍南河西州縣自今和好  
無相侵暴迨金城公主薨後未久吐蕃乃悉衆入



寇文振武軍石堡城天寶元年戰青海明年破洪  
濟城又明年帝以哥舒翰節度隴右翰攻拔石堡  
更號神武軍禽其相兀論樣郭又破洪濟大莫門  
諸城收九曲故地列州縣實天寶十二載于是置  
神策軍於臨洮西澆河郡於積石西及宛秀軍以  
實河曲後二年蘇毗子悉諾邏來降封懷義王賜  
姓李氏此是十四載事然則此碑所紀正是洪濟  
大莫門之戰收九曲故地之功碑中所謂約言姻  
好通約反間等語多與此合碑後云武有七德今  
則過之而頌聲無聞似是邊將紀哥舒翰功而因  
以頌君德也杜工部亦有投哥舒翰詩云當代麒麟  
閣何人第一功意亦此時所作其後翰守潼關  
與祿山戰敗爲其所獲至于俯伏謝罪且爲祿山  
作書勸降三節度使其喪節無恥如此工部草堂  
集未經手定故留此詩于集中未免譽詞過當也  
碑或立于天寶十二載或在十四載悉諾邏來降  
之時皆不可知今姑附于十四載後此碑得者絕  
少昶官關中德清宋維藩在陝甘制府幕中購以  
見貽未詳立碑所在諸金石家多未著錄惟鄭氏  
通志金石略載此碑云在熙州宋之熙州臨洮郡



今爲甘肅蘭州府在唐初爲蘭州地天寶中置狄  
道郡後改蘭州爲臨州屬隴右道至肅宗寶應年  
卽淪入吐蕃號武勝軍矣或此碑所在仍是甘肅  
蘭州不知何縣

金石萃編卷九十終

